



Esayu nun Yaxuba a Fe

Taruxuni ito kelixi Alaa Kitabun nan kui

Dunupa Fəlna sora 25 nun sora 27






Isiyaga nun a jaxanla, Rebeka, yi di firin soto,
gulunne. E firinna birin findixi xemen nan na.
E yi xili nen Esayu nun Yaxuba.


Esayu findixi gulunna forimaan nan na.
A findixi donso faɓin nan na. A yi rafan a
baba ma.

Esayu xinla bunna neɛn, fa fala,
“a gbeeli,” bayo a xun seɛɛn gbeeli.
Fati ma xabe gbege kanna nan yi a ra.



Yaxuba findixi gulunna xurimaan nan na.
A yi rafan a nga ma.

Yaxuba to xungbo, kudi soon yi rafan a ma.



Lɔxɔna nde, Yaxuba yi pɔrin nafala.
Esayu to so, a xadanxi keli donsoyani.

A yi a fala Yaxuba xa, a naxa, “N faxa feni
kamen nan ma. N ki pɔrini, n xa a don.”



Yaxuba yi a yabi, a naxa, “En-en, fɔ i xa i ya
foriya tiden fi n ma singen.”

Esayu bata tin, bayo a naxa, “N faxamatɔɔn
kamen ma iki.”

Yaxuba yi burun nun pɔrin toge daxin
so a yii.




Awa, Esayu nun Yaxuba baba Isiyaga yi fori.
A yεene yi rafɔrɔ ayi. A mi yi fa nεe sese toε.

Na waxatini, a yi a dii forimana, Esayu, xili,
a naxa, “Siga donsoyaan na. I burunna
suben sɔtɔ, i yi a jin, n xa a don, alogo n xa
duba i xa benun n xa faxa.”



Rebeka yi na fala xuiin mε. Nayi, a bata
Yaxuba xili.

E bata madaxu fena nde yitɔn Isiyaga xili ma.



Yaxuba yi fa sii firinne ra a nga fema.
A nga, Rebeka, yi na donseen nafala alo
a rafan Isiyaga ma kii naxan yi.


E yi na sii kidine sa Yaxuba yiine ma alogo
Isiyaga xa la a ra Esayu na a ra.



Yaxuba yi na sube jinxin so a baba yii.
A yi a fala a xa, a naxa, “Hɔn, Baba, Esayu
nan n na, i ya dii forimana.”

Isiyaga yi a fala, a naxa, “I xuiin maliga
Yaxuba xuiin na, koni i yiine tan Esayu yiine
nan e ra.”

Nayi, Isiyaga yi duba Yaxuba xa a faɓin na.



A mi bu, Esayu yi fa keli donsoyaan na.
A yi suben jin, a yi siga a ra a baba xa.
A yi a fala a baba xa, a naxa, “Hɔn, i ya
subena. A don. I duba n xa.”

Isiyaga naxa, “Nde faxi sube jinxin na n xa
iki? N bata duba na kanna xa.”


Mafuren e yi a kolon Yaxuba bata e madaxu.



Esayu yi xolo han! A yi de xuiin tongo fa fala,
a Yaxuba faxama nen.

Nayi, Yaxuba yi a gi.

Madaxu feen mi fan. A mi lan i xa
madaxun ti. A mi lan i xa adamadii yo
madaxu.



©Mission Protestante MCA
2023

Dessins © Dawn Cluckie / Doni Touré